

SAN JUAN ITLATITLANIL IN DIOS YAKINIKA

OKIJKUILOJ YIN AMATLAJKUILOLE

In tlajtole katlej kitemaka nemilstle

1 Jesucristo katlej noijki tiktokayotiaj Tlajtole katlej kitemaka nemilstle, Yej yoyeka desde ikuak ayamo oyeka nochi tlan onkaj. Tejwan otikkakej iwan otikitakej ika toixtololowan tlan okichij. Tejwan otikyekitakej iwan otikitzkijkej ika toma. ²Yon nemilstle Dios otechnextilij, porke omochij Tlakatl. Iwan tejwan otikitakej yon Tlakatl iwan yotamechtlapowijkej de Yej. Axan, tejwan tamechtlapowiaj de yon nemilstle katlej mach keman tlamis, iwan yon nemilstle yoyeka iwan toPapan Dios, iwan satepan otechnextilij nikuak ovalaj ixko yin tlaltikpak. ³Tamechtlapowiaj, kiné, de tlan otikitakej iwan de tlan otikkakej, para namejwan xisetitokan towan, ijkón ken tejwan melawak tisetitokej iwan toPapan Dios iwan iKone Jesucristo. ⁴Iwan axan tamechijkuililiaj yin tlajtole para xikpiakan miek pakilstle.

Dios yen tlanextle

⁵In tlamachtile katlej Jesucristo otechmachtij iwan katlej tamechmatiltiaj namejwan yen yin: toTajzin Dios yen tlanextle, iwan mach onkaj itlaj tlatleyualotl itech Yej. ⁶Tla tikijtaj tisetitokej iwan Dios, pero ok tikatej ijtk tlatleyualotl de ipan tlajtlakole, tones mach melawak tlan tikijtaj iwan mach tikchijtokej tlan melawak. ⁷Pero tla tinemij itech tlanextle, ken Dios kajki itech tlanextle, tones kijtosneki tisetitokej se iwan oksé, iwan ieso in Jesucristo, iKone in Dios, techchipawa de nochi tlajtlakole.

⁸Tla tikijtaj mach tikpiaj tlajtlakole, tones san tejwan timokajkayawaj iwan mach tikpiaj ipan toyolo tlan melawak. ⁹Tla tigmokuitiskej inawak Dios nochi totlajtlakol, Dios techtlapojojpolwis, iwan techchipawas de nochi tlan amo kuale. Porke Dios kichiwa tlan kijta iwan welis tiktlaliskej totlaneltokalis inawak. ¹⁰Tla tikijtaj amo keman tikchiwaj tlajtlakole, tones kijtosneki tikchiwaj kej yeskia in Dios tekajkayaj, iwan itlajtol amo kajki ipan toyolo.

Cristo yen techtlajtolia inawak Dios

2 Nokonetzitzinwan, namechijkuililia yin tlamatle para amo xitlajtlakokan. Pero tla akaj tlajtlakoa, xikmatikan nik tikpiaj se totepalewij katlej techpalewis inawak Dios para techtlapojpolwis. Totepalewij yen Jesucristo katlej kichiwa tlan kuale. ²Yej okitlaxtlaj in totlajtlakol nikuak omikke itech krus para omoyolosewij in toTajtzin Dios de totlajtlakolwan. Iwan amo san de yen tejwan totlajtlakol okitlaxtlaj, sino noijki de nochtin in tlaltikpaktlakaj.

³Tla tikchiwaj tlan techilwia in toTajtzin Dios, toneses tikmatij nik tikixmatij. ⁴Pero tla akaj kijta kixmati Dios iwan amo kichiwa tlan kilwia, toneses in yon san tekajkayaj iwan amo kipia ipan iyolo tlan melawak. ⁵Pero katlej kichiwa tlan Dios kijta, kijtosneki melawak nik kitlasojtla in Dios por nochi tlan kichiwa. Iwan ijkón nik tikmatij nik melawak tisetitokej inawak Dios. ⁶Akin kijta kajki setitok iwan Dios, moneki nemis ken Jesucristo onenke.

Se yankuik tlanawatile

⁷Nokniwan, mach namechijkuililia se yankuik tlanawatile, sino san yen ya wejkawitl tlanawatile katlej ya ankikaktiwitzej iwan ya ankipiaj desde ikuak ankineltokakej in Cristo. ⁸Pero yin tlan namechijkuililia mochiwa kej se yankuik tlanawatile, porke Cristo okijoj iwan okichij yon tlanawatile iwan axan namejwan noijki ankichiwaj tlan kijta. Tikmatij nik in yin tlanawatile melawak porke nikuak tikchiwaj yin yankuik tlanawatile, de timotlasojtlaskej se iwan oksé, in tlatleyualotl de tonemilis pojpolitiw iwan tlanextle de yankuik tonemilis itech Cristo techtlawilijtiw.

⁹Tla akaj kijta nemi itech tlanextle, pero kikokolia ikni, kijtosneki ok nemi ijlik tlatleyualotl. ¹⁰Akin kitlasojtla ikni, kijtosneki nemi itech tlanextle, iwan mach itlaj welis kitoktis ma wetzi ipan tlajtlakole. ¹¹Pero akin kikokolia ikni, kijtosneki nemi iwan kajki ijlik tlatleyualotl, iwan mach kimati kanin yawi, porke in tlatleyualotl yokixtzajtzakke.

¹²Nokonetzitzinwan, namechtlajkuililia namejwan porke Dios yoamechtlapojpolwij de amotlajtlakol porke Cristo omikke por amejwan. ¹³Tetajmej, namechtlajkuililia namejwan porke ya ankixmatkej in Cristo katlej yoyeka desde ikuak opejke nochi tlan onkaj. Telpokamej, namechtlajkuililia namejwan porke ya ankitlankej in diablo.

Nokonetzitzinwan, namechtlajkuililia namejwan porke ya ankixmatkej in toPapan Dios. ¹⁴Namechtlajkuililia namejwan, tetajmej, porke ya ankixmatkej katlej yoyeka desde ikuak opejke nochi tlan onkaj. Namechtlajkuililia noijki namejwan telpokamej, porke anchijchikawakej

iwan ya ankineltokakej itlajtol in Dios ipan namoyolo, iwan porke ya ankitlankej in diablo.

¹⁵Amo xikchiwakan ken tlan kichiwaj in tlajtlakolejkej, nion amo xikixelewikan tlan onkaj ixko yin tlaltikpak. Tla akaj kichiwa ken tlan kichiwaj in tlajtlakolejkej iwan kixelewia tlan onkaj ixko yin tlaltikpak, kijtosneki mach kitlasojtla in toPapan Dios. ¹⁶Porke ixko yin tlaltikpak in tlakaj kinekij kichiwaskej tlan kipaktia intlalnakayo, kinekij kimoaxkatiskej nochi tlan kitaj, iwan moweyinekij por nochi tlan kipiaj. Nochi yin tlamantle mach witz de toPapan Dios, sino de ixko yin tlaltikpak. ¹⁷Pero nochi yin tlaltikpak san panos ika nochi tlan amo kuale tlan yejwan kineki kichiwaskej, pero akin kichiwa tlan Dios kineki yolitos iktlanke (ik tlami).

Katlej melawak iwan katlej mach melawak

¹⁸Nokonetzitzinwan, ya tikatej itech sa iyakatlanka tonaltin. Namejwan ya ankikakej nik witz in tlakatl katlej kinekis kipojpolos tlan kichiwa in Cristo. Iwan yomonextijkej miekej katlej axan ya kinekij kipojpoloskej tlan kichiwa in Cristo. Por yonik tikmatij nik tikatej itech sa iyakatlanka tonaltin. ¹⁹Yejwan omoxelojkej de tejwan, pero tikmatij nik mach melawak oyekaj de tejwan, porke tla yenij de tejwan, toneses mokawanij towan. Pero yejwan omoxelojkej de tejwan, para ma mota nik mach nochtin powij towan.

²⁰Pero Cristo katlej yolchipawak oamechmakak iEspíritu Santo, iwan por yonik aminochtin namejwan ankimatij nik itlajtol in Dios melawak.

²¹Namechtlajkuililia kiné, mach por amo ankimatij nik itlajtol in Dios melawak, sino porke ankimatij. Iwan namejwan ankimatij nik itech itlajtol in Dios mach onkaj itlaj tlan amo melawak.

²²¿Akin yon tekajkayaj? In tekajkayaj yen katlej kijta ke Jesús amo yen Cristo katlej Dios okipejpenke para techmakixtis. Yen yon katlej kineki kipojpolos tlan kichiwa in Cristo, porke mach kineltoka in toPapan Dios iwan mach kineltoka iKone. ²³Nochtin akinmej kijtaj ke Jesucristo mach yen iKone in Dios, tones mach kipiaj ipan inyolo in Dios kej inPapan. Pero akinmej kijtaj ke Jesucristo yen iKone in Dios, toneses noijki kipiaj ipan inyolo in Dios kej inPapan.

²⁴Por yonik, ma mokawa ipan namoyolo itlajtol in Dios katlej ankikakej desde ikuak ankineltokakej in Cristo. Iwan tla itlajtol in Dios mokawa ipan namoyolo, toneses namejwan anyeskej iwan iKone in toTajzin Dios iwan noijki anyeskej iwan toPapan Dios. ²⁵Iwan Jesucristo yokijtoj nik techmakas in yankuik nemilistle katlej mach keman tlamis.

²⁶Namechijkuililia nochi in yin para xikmatikan nik in sekimej kinekij amechkajkayawaskej. ²⁷Pero namejwan ankipiaj in Espíritu Santo

katlej Jesucristo oamechmakak. Iwan ijkón mach ok moneki ok akaj ma amechmachti, porke iEspíritu toTajtzin Dios amechmachtia nochi tlamantle. Iwan nochi tlan amechmachtia melawak, porke Yej mach tlakajkayawa. Ijkón kiné, xiekan inawak Cristo ijkón ken namechmachtia in Espíritu Santo.

²⁸Axan kiné, nokonetzitzinwan, nochipa xisetitokan iwan Cristo, para ijkón tikpiaskej konfiansa nijuak Yej witz, iwan mach tipinawaskej iyakapan nijuak Yej onkisaki. ²⁹Namejwan ya ankimatij nik in Jesucristo Yej kichiwa tlan kuale, iwan nochtin in tlakaj katlej kichiwaj tlan kuale, yejwan tekonewan de Dios.

Tejwan titekonewan de Dios

3 Xikmomakakan kuenta kech amo techtlasoxtla in toPapan Dios, asta technotza tiikonewan, iwan melawak nik tiikonewan. Por yonik in tlaltikpaktlakaj katlej mach ikonewan in Dios, mach welij kimomakaj kuenta akin tejwan, porke yejwan mach kixmatij Dios porke mach kimomakaj kuenta akin Jesús. ²Notetlasojkaikniwan, tejwan ya titekonewan de Dios. Iwan asta axan mach ya tikmatij kenik tieskej satepan ompa ilwikak. Pero tikmatij ke nijuak witz in Cristo, tieskej ken Yej, porke tikitaskej ken Yej kajki. ³Iwan nochtin akinmej kichiaj yeskej ken Cristo, kipia de mochipajtoskej itech innemilis, ijkón ken Cristo inemilis chipawak.

⁴Nochtin akinmej tlajtlakoaj kijtosneki kixpanawiaj itlanawatil in Dios. Porke tlajtlakole nijuak se kixpanawiaj itlanawatil in Dios. ⁵Namejwan ya ankimatij nik in Jesucristo ovalaj ixko yin tlaltikpak para techkixtilis in totlajtlakol, iwan ankimatij nik in Yej mach itlaj tlajtlakole kipia. ⁶Ijkón kiné, nochtin akinmej nemij inawak Cristo mach tlajtlakoaj. Pero nochtin akinmej nemij ipan tlajtlakole, mach kimatij akin Cristo iwan nion mach kixmatij ipan inyolo. ⁷Nokonetzitzinwan, amakaj ma amechkajkayawa. Akin kichiwa tlan kuale, kijtosneki kuale tlakatl ijkón ken Cristo Yej kuale tlakatl. ⁸Pero akin kichijtinemi tlajtlakole, yon iaxka in diablo, porke in diablo kichijtiwitz tlajtlakole desde ikuak opéj in tlaltikpak. Iwan por yonik ovalaj ixko yin tlaltikpak iKone in Dios para kipojpolos tlan kichiwa in diablo.

⁹Se katlej tekone de Dios mach ok kichijtinemi tlajtlakole, porke ya kipia yankuik nemistle katlej Dios okimakak, iwan por yonik mach ok kichiwa tlajtlakole, iwan porke yotlakatke inawak Dios. ¹⁰Ijkón nik welis ankimatiskej akinmej tekonewan de Dios iwan akinmej tekonewan de diablo. Tla akaj mach kichiwa tlan kuale ken Dios kineki o noso mach kitlasoxtla ikni, kijtosneki mach tekone de Dios.

Ma timotlasojtlakan se iwan oksé

¹¹Namejwan ya ankikaktiwitzej desde ikuak ankineltokakej in Cristo nik moneki timotlasojtlaskej se iwan oksé. ¹²Amo ma tikchiwakan ken Caín okichij, katlej oyeka tekone de diablo, iwan okimiktij ikni. ¿Iwan por tlanik okimiktij? Porke in Caín okichiwaya tlan amo kuale, iwan ikni okichiwaya tlan kuale.

¹³Nokniwan, amo ximotlajtlachialtikan (ximomajmawtikan) tla amechkokoliaj in tlaltikpaktlakaj katlej mach kixmatij Dios. ¹⁴Tejwan otiekaj kej timikkamej, iwan axan yotikiskej de itech yon miklistle iwan yotipanokej itech se yankuik nemilistle. Tikmatij nik tikatej itech se yankuik nemilistle porke tikintlasojtlaj in tokniwan. Akin amo kitlasojtla ikni, kijtosneki ok miktok. ¹⁵Akin kikokolia ikni kijtosneki temiktij, iwan namejwan ankimati se katlej temiktij mach kipia nemilistle katlej mach keman tlamis. Yon nemilistle mach kipia ipan iyolo. ¹⁶Tikmatij tlanon kijtosneki in tlasojtlalistle. Tikmatij porke Cristo otechtglasojtlak nijuak omikke por tejwan. Iwan axan tejwan noiiki moneki timotlasojtlaskej iwan tикиnpareliskej in tokniwan maski ma techmiktikan por yejwan. ¹⁷Iwan tla se katlej kimopialia iwan mach keman itlaj kipoloa, iwan kita se ikni mach kipia tlan ika mopanoltis, iwan mach kineki itlaj kitliokolis, kijtosneki mach kipia tlasojtlalistle de Dios ipan iyolo. ¹⁸Nokonetzitzinwan, amo san ma tikitokan nik tikintlasojtlaj in tokniwan, sino moneki ma tикиnchiwilikan tlan kuale para ma mota nik melawak tikintlasojtlaj.

Ma timoyolojchikajtakan inawak Dios

¹⁹Tla ijkón tikintlasojtlaskej in tokniwan, tones tikmatij nik melawak titekonewan de Dios, iwan mach timomawtiskej nijuak timoteixpantiskej inawak Dios. ²⁰Tla toyolo techilwia nik mach kuale tlan tikchiwaj, ma tikmatikan nik in Dios okachi kimati iwan amo ken toyolo, porke Yej nochí kimati. ²¹Ijkón kiné, notetlasojkaikniwan, tla toyolo techilwia mach tikpijaj itlaj tlajtlakole, tones kuale tikmatij nik in Dios kita nik kuale in toyolo. ²²Iwan nochí tlan tiktajtlaniliskej Yej techmakas, porke tikchiwaj tlan technawatia iwan tikchiwaj tlan Yej kipaktia. ²³Iwan Yej technawatia ma tikeneltokakan in Jesucristo katlej iKone, iwan ma timotlasojtlakan se iwan oksé, ijkón ken Jesucristo yotechnawatij ma tikchiwakan. ²⁴Tla tikchiwaj tlan Dios technawatia, kijtosneki tikatej iwan Dios iwan Yej kajki towan. Dios otechmakak iEspíritu Santo iwan por yonik tikmatij nik in Dios towan kajki.

Katlej kipia Espíritu de toTajtzin Dios iwan katlej mach kipia yon Espíritu

4 Notetlasojkaikniwan, amo xikinneltokilikan nochtin katlej kijtaj tetlapowiaj ika iEspíritu in toTajtzin Dios. Moneki achtoj xikinyejyekokan kox melawak tetlapowiaj ika iEspíritu de toTajtzin Dios o noso tetlapowiaj ika oksé espíritu. Porke katej miekej profetajtin tekajkayajkej ixko yin tlaltikpak, katlej kijtaj tetlapowiaj de Dios iwan mach melawak. ²Namechilwis kenik welis ankimatiskej akin kipia iEspíritu de toTajtzin Dios iwan akin amo kipia. Nochtin katlej kijtaj nik in Jesús yen Cristo katlej Dios okipejpenke, iwan omochij tlakatl nijuak owitza ixko yin tlaltikpak, tones kipia iEspíritu de toTajtzin Dios. ³Pero katlej kijta ke Jesús amo yen Cristo katlej omochij tlakatl nijuak owitza ixko yin tlaltikpak, tones mach kipia iEspíritu de toTajtzin Dios, sino kipia iespíritu de yen katlej kineki kipojpolos tlan kichiwa in Cristo. Namejwan ya ankikakej nik witz, iwan axan ya kajki ixko yin tlaltikpak katlej kineki kipojpolos tlan kichiwa in Cristo.

⁴Nokonetzitzinwan, namejwan anpowij inawak Dios, iwan yonmej katlej kinekij kipojpoloskej tlan kichiwa in Cristo mach owelikej oamechkajkayajkej ika intlamachtil. Porke in Espíritu Santo katlej kajki amotech okachi kipia poder iwan amo ken diablo katlej kajki intech in tlaltikpaktlakaj tekajkayajkej katlej mach kixmatij Dios. ⁵Yonmej tlakaj powij kej tekonewan de nian tlaltikpak porke yejwan tlamachtiaj ika tlamachtile de nian tlaltikpak, iwan por yonik nojki in tlakaj katlej tekonewan de nian tlaltikpak okachi kinkakiliaj than yejwan tlamachtiaj. ⁶Pero tejwan tipowij inawak Dios. Iwan katlej kixmati Dios, techkakilia tlan tikijtaj. Pero katlej amo powi inawak Dios, mach techkakilia tlan tikijtaj. Ijkón nik tikmatij akin kipia in Espíritu Santo katlej techmachtia tlan melawak, iwan nojki tikmatij akin kipia in espíritu mach kuale katlej tekajkayaj.

Dios Yej tetlasojtlak

⁷Notetlasojkaikniwan, ma timotlasojtlakan se iwan oksé, porke in tlasojtlalistle witz de Dios. Nochtin akinmej tetlasojtlaj yonmej tekonewan de Dios iwan kixmatij Dios. ⁸Akin amo tetlasojtla, kijtosneki mach kixmati Dios, porke Dios Yej tetlasojtlak. ⁹Dios otechtitij nik techtlasojtla nijuak otechwaltitlanilij ixko yin tlaltikpak katlej san yej se iKone. Otechwaltitlanilij para ma tikpiakan yankuik nemilistle inawak iKone. ¹⁰Mach yen tejwan achtoj otiktlasojtlakej in Dios, sino Yen achtoj otechtlasojtlak. Porke otechwaltitlanilij iKone para ma mikiki itech krus

para ijkón ma techtlapojojpolwi de totlajtlakol. Por yonik axan tikmomakaj kuenta tlanon kijtosneki in tlasojojtlaliste.

¹¹Notetlasojojkaikniwan, tla ijkón nik otechtlaosojtlak toTajtzin Dios, toneses moneki tejwan noijki ma timotlasojojtlakan se iwan oksé. ¹²Maski tejwan mach keman tikitaj toTajtzin Dios, pero tla tejwan timotlasojojtlaj se iwan oksé, toneses tikmatij nik in Dios kajki ipan toyolo, iwan itlasojojtlalis kichiwa kuale ma timotlasojojtlakan ijkón ken Yej kineki. ¹³Dios otechmakak iEspíritu ipan toyolo, iwan por yonik tejwan tikmatij nik tikatej iwan Dios, iwan Yej noijki kajki towan ipan toyolo. ¹⁴Iwan tejwan otikitakej in Jesucristo, iwan tiktematiltiaj nik in toTajtzin Dios okualtitlanke iKone ixko yin tlaltikpak para kinmakixtis in tlaltikpaktlakaj de intlajtlakol. ¹⁵Akin kineltoka iwan kijta inmixpan nochtin in tlakaj nik in Jesús yen iKone in Dios, kijtosneki Dios kajki iwan yej, iwan yej kajki iwan Dios.

¹⁶Ijkón tejwan tikmatij iwan tikneltokaj nik in Dios techtlasojojtlala. Dios Yej tetlasojojtlak. Iwan akin tetlasojojtlala, kijtosneki kajki iwan Dios, iwan Dios kajki iwan yej. ¹⁷Ijkón kiné, tejwan titetlasojojtlaj ken Dios kineki ma titetlasojojtlakan, para amo ma timomawtikan itech nekáj tonale nijuak in Dios kinmixkomakas (kintzonmanas) nochtin in tlakaj. Mach timomawtiskej porke tejwan tikintlasojojtlaj in tokniwan ixko yin tlaltikpak ijkón ken Cristo kintlasojojtlala. ¹⁸Mach moneki tikimakasiskej katlej ipan melajka techtlasojojtlala ika nochti iyolo. Porke akin melawak kitlasojojtlala in toTajtzin Dios, mach weli kiimakasi. Tla akaj kiimakasi, kijtosneki kiimakasi de ma kitlajyowilti, iwan ika yon kiteititia nik mach ya kuale kimomaka kuenta kenik in Dios techtlasojojtlala iwan por yonik mach weli kitlasojojtlala ika nochti iyolo.

¹⁹Tejwan tiktlasojojtlaj in toTajtzin Dios porke Yej achtoj otechtlaosojtlak. ²⁰Pero tla akaj kijta: “Nej niktlasojojtlala in Dios”, pero kikokolia ikni, toneses mach melawak tlan kijta. Porke tla akaj amo kitlasojojtlala ikni katlej kita, toneses no mach welis kitlasojojtlas in Dios katlej mach weli kita. ²¹Dios otechmakak yin tlanawatile: akin kitlasojojtlala in Dios moneki noijki ma kitlasojojtlala ikni.

Yotiktlankej nochti tlan amo kuale ixko yin tlaltikpak

5 Nochtin akinmej kineltokaj nik in Jesús yen Cristo katlej Dios okipejpenke, yonmej teknewan de Dios. Nochtin akinmej kitlasojojtlaj in toPapan Dios, noijki kintlasojojtlaj ikonewan. ²Ijkón kiné, nijuak tiktlasojojtlaj in toTajtzin Dios iwan tikchiwaj tlan technawatia, toneses tikmatij noijki nik tikintlasojojtlaj ikonewan. ³Tla tiktlasojojtlaj in Dios toneses ma tikchiwakan tlan technawatia. Iwan tlan Yej technawatia ma tikchiwakan mach sa tekitl tesotlaj. ⁴Porke nochtin akinmej teknewan

de Dios kitlanij nochí tlan amo kuale de ixko yin tlaltikpak. Tiktlanij tlan amo kuale porke tikneltokaj in toSeñor Jesucristo iwan Yej techpalewia ma titlatlanikan.⁵ Iwan akin kineltoka nik in Jesús yen iKone in Dios, yen yon akin weli kitlani tlan amo kuale de ixko yin tlaltikpak.

IEspíritu in toTajtzin Dios techmatiltia de Cristo

⁶Jesucristo ovalaj ixko yin tlaltikpak. Omokuateekij ika atl. Okinokij ieso níjkuak omikke itech krus. Amo san omokuateekij, sino noijki okinokij ieso. Ijkón techmatiltia in Espíritu Santo porke Yej kitematiltia tlan melawak.⁷Iwan katej eyin itech ilwikak katlej techmatiltiaj nik in Jesucristo yen iKone in Dios: yen toPapan Dios, in toSeñor Jesucristo, iwan Espíritu Santo. Iwan yinmej eyin san se.⁸Iwan nian ixko yin tlaltikpak noijki katej eyin katlej techmatiltiaj nik in Jesucristo yen iKone in Dios: yen Espíritu Santo katlej techmatiltia ipan toyolo nik melawak tlan techilwia, iwan noijki yen atl níjkuak in Jesucristo omokuateekij, iwan noijki yen estle porke Cristo omikke iwan okinokij ieso. Iwan yinmej eyin techmatiltiaj san se tlamantle, nik in Jesucristo yen iKone in Dios.⁹Níjkuak se tlakatl techilwia itlaj tlan melawak, tejwan tikneltokaj. Tones, moneki okachi tikneltokaskej tlan Dios techmatiltia, porke Yej techmatiltia nik in Jesucristo yen iKone in Dios.¹⁰Akin kineltoka iKone in Dios, kuale kimati ipan iyolo nik melawak tlan kineltoka. Akin amo kineltoka in Dios, kijtosneki kichiwa kej yeskia tekajkayaj in Dios, porke amo kineltoka tlan Dios techmatiltia nik in Jesús yen iKone.¹¹Iwan yen yin tlan techmatiltia: nik in Dios techmaka yankuik nemilistle katlej mach keman tlamic, iwan yon nemilistle techmaka itech iKone.¹²Akin kipia iKone in Dios ipan iyolo, noijki kipia yankuik nemilistle. Pero akin amo kipia iKone in Dios ipan iyolo, tones mach kipia yon nemilistle.

Dios techkaki

¹³Namechtlaikuililia namejwan katlej ankineltokaj iKone in Dios, para kuale xikmatikan nik ya ankipiaj yankuik nemilistle katlej mach keman tlamic.

¹⁴Iwan kuale tikmatij ipan toyolo ke tla tiktlajtlaniliskej in Dios ijkón ken Yej kimonekiltia, kuale tikmatij nik in Yej techkakis.¹⁵Iwan tla tikmatij nik in Dios techkaki níjkuak timotiotzajtziliaj inawak, tones ma tikmatikan nik ya tikpiaj tlan tiktlajtlaniliaj.

¹⁶Tla akaj kitas ikni kichijtok itlaj tlajtlakole katlej mach kiwikas itech mikilistle, moneki ma motiotzajtzili por yon ikni, iwan Dios kimakas yankuik nemilistle yon ikni, tla melawak okichij itlaj tlajtlakole katlej mach kiwikas itech mikilistle. Onkaj tlajtlakole katlej se kiwikas itech

1 JUAN 5

mikilstle, iwan nej amo namechilwia ximotiotzajtzilikan por akin kichiwa yon tlajtlakole. ¹⁷Nochi tlan amo kuale tlan se kichiwa yon tlajtlakole. Pero onkaj tlajtlakole katlej mach se kiwika itech mikilstle.

¹⁸Tikmatij ke akinmej tekonewan de Dios mach kichijtinemij tlajtlakole, porke Cristo katlej iKone in Dios kinmonekuitlawia, iwan diablo mach weli itlaj kintoktia.

¹⁹Tejwan tikmatij nik titekonewan de Dios, iwan noijki tikmatij nik in diablo kinnawatijtok nochtin oksekimej tlaltikpaktlakaj.

²⁰Noijki tikmatij nik iKone in Dios owalaj, iwan otechmakak tlalnamikilstle para ma tikixmatikan katlej melawak Dios. Iwan axan tikatej iwan katlej melawak Dios, kijtosneki tikatej iwan iKone, yen Jesucristo. Yen yin katlej melawak Dios iwan yen katlej techmaka yankuik nemilstle katlej mach keman tlamis. ²¹Nokonetzitzinwan, xikpiakan kuidado de amo xikinweyikixtikan katlej mach melawak diosmej, o noso itlaj oksé tlamantle katlej welis kimoaxkatis namoyolo, katlej welis amechtoktis xikkawakan in Dios. Ijkón ma yeto.